



Broj: 01/1-50-1-1-29/08
Sarajevo, 01.02.2008.godine

Z A P I S N I K

29. sjednice Ustavnopravne komisije

Sjednica je održana 01.02.2008., s početkom u 9:00 sati.

Sjednici su prisustvovali članovi Komisije: Šefik Džaferović, Lazar Prodanović, Halid Genjac, Drago Kalabić, Martin Raguž, Momčilo Novaković, Adem Huskić i Ekrem Ajanović.

Član Komisije Velimir Jukić opravdano je odsustvovao.

Osim članova Komisije, sjednici su prisustvovali i predstavnici Ministarstva odbrane BiH Marina Pendeš, Ministarstva pravde BiH Jusuf Halilagić i Srđan Arnaut, Komisije za restituciju BiH Mustafa Begić, OHR-a Maja Ribar.

Sjednici je prisustvovao i sekretar Komisije Igor Bajić i Nedžad Salman stručni saradnik u Ustavnopravnoj komisiji.

Predsjedavajući Komisije predložio je, a Komisija jednoglasno usvojila sljedeći

D N E V N I R E D

1. Usvajanje Zapisnika 28. sjednice, održane 24.01.2008.;
2. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlađač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
3. Prijedlog zakona o izmjenama Zakona o odlikovanjima BiH, predlađač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
4. Prijedlog zakona o denacionalizaciji, predlađač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
5. Prijedlog zakona o izmjenama i dopunama Izbornog zakona BiH, predlađači: poslanici Šefik Džaferović, Niko Lozančić i Milorad Živković (**postupak u nadležnoj komisiji u skladu s članom 110. Poslovnika Doma**).

Ad. 1. Usvajanje Zapisnika 28. sjednice, održane 24.01.2008. godine.

S obzirom da nije bilo rasprave, Komisija je jednoglasno usvojila Zapisnik 28. sjednice.

Ad. 2. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlađač: Vijeće ministara BiH (postupak u nadležnoj komisiji u skladu s članom 110. Poslovnika Doma);

Predsjedavajući je otvorio raspravu u kojoj su učestvovali predstavnici Ministarstva pravde Jusuf Halilagić i Srđan Arnaut, članovi Komisije Halid Genjac, Momčilo Novaković, Drago Kalabić, Šefik Džaferović i Ekrem Ajanović.

U toku rasprave članovi Komisije su ukazali na opravdan stav Helsinškog komiteta i predlagača amandmana poslanika Sadika Ahmetovića da je potrebno izmijeniti odredbu člana 4. i 5. Prijedloga zakona jer su navedene odredbe u suprotnosti sa odredbama Evropske konvencije o zaštiti ljudskih prava i temeljnih sloboda. Predstavnici predlagača Zakona su predložili da se rasprava o ovom Zakonu odgodi za sljedeću sjednicu Komisije kako bi predlagač Zakona ponudio prihvatljiva rješenja spornih članova u skladu sa uloženim amandmanima i istaknutim stavovima Helsinškog komiteta i članova komisije sa današnje rasprave.

Nakon rasprave Komisija je, sa sedam glasova „za“, bez glasova „protiv“ i jednim „uzdržanim“ glasom prihvatila prijedlog da se ova tačka dnevnog reda razmatra na sljedećoj sjednici Ustavnopravne komisije.

Ad. 3. Prijedlog zakona o izmjenama Zakona o odlikovanjima BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma);

S obzirom da nije bilo rasprave o predloženom zakonu, Komisija je jednoglasno odlučila: Ustavnopravna komisija prihvata tekst Prijedloga zakona o izmjenama Zakona o odlikovanjima BiH, te predlaže Predstavničkom domu usvajanje Zakona.

Za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

Ad.4. Prijedlog zakona o denacionalizaciji, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma);

Predsjedavajući je predložio razmatranje termina za održavanje javne rasprave o Prijedlogu zakona o denacionalizaciji. Nakon kraće rasprave Komisija je jednoglasno donijela odluku da se javna rasprava održi u utorak, 26.02.2008.godine u 10:00 sati te da se javni poziv objavi posredstvom sva tri javna RTV sistema i najmanje tri printana medija kao i da se pismeno pozovu predstavnici predlagača Zakona, Komisije za restituciju BiH, nadležnih entitetskih ministarstava, udruženja građana, vjerske zajednice, fondacije i predstavnici drugih nevladinih organizacija te da se o održavanju javne rasprave obavijesti Ustavnopravna komisija Doma naroda i pozove na učešće u organizaciji javne rasprave.

Ad.5. Prijedlog zakona o izmjenama i dopunama Izbornog zakona BiH, predlagači: poslanici Šefik Džaferović, Niko Lozančić i Milorad Živković (postupak u nadležnoj komisiji u skladu s članom 110. Poslovnika Doma).

Predsjedavajući je predložio, a Komisija jednoglasno prihvatila prijedlog, da se ova tačka dnevnog reda uvrsti na prvu narednu sjednicu Ustavnopravne komisije koja će biti održana u utorak 05.02.2008.godine.

Kako nije bilo drugih pitanja, predsjedavajući Komisije zaključio je sjednicu u 10:30 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović